

明阮大鍼著

春燈謎

翰墨林書局出版

大正

853.74

982762

7148



春
鏗
謎



明
孫大鏗著

571688/04



FUDAN 39200000373196 复旦图书馆

詠懷堂新編十錯認春燈謎記卷上目錄

第一齣 提唱

第二齣 赴湘

第三齣 宴擢

第四齣 湖警

第五齣 借泊

第六齣 泊遊

第七齣 改豔

第八齣 轟謎

第九齣 改岸

第十齣 玩窘

春燈謎卷上

目錄

春燈謎卷上

〇〇

目錄

第十一齣

沈誤

第十二齣

撫迷

第十三齣

溺獲

第十四齣

歛婢

第十五齣

織獄

第十六齣

報溺

第十七齣

巧憶

第十八齣

傷繫

第十九齣

蜀捷

第二十齣

賊弭

詠懷堂新編十錯認春燈謎記卷下目錄

第二十一齣

泄箋

第二十二齣

臚誤

第二十三齣

猝贅

第二十四齣

虜卜

第二十五齣

湘省

第二十六齣

籥觸

第二十七齣

誤瘞

第二十八齣

釋纍

第二十九齣

覲妄

第三十齣

釋別

春燈謎卷下

目錄

春燈謎卷下

目錄

第三十一齣

鬧祠

第三十二齣

呼盧

第三十三齣

灌虜

第三十四齣

托贊

第三十五齣

宴感

第三十六齣

自媒

第三十七齣

留餘

第三十八齣

矢箋

第三十九齣

贊合

表錯

表錯

新編十錯認春燈謎記卷上

百子山樵阮大鍼撰

第一齣 提唱

(西江月) (末上) 聖代文章有價。騷人墨筆流香。百花深處詠懷堂。畫
箇竹林小像。大阮名高南舍。小兒竊比東方。請君爛醉手中觴。莫管閑
愁天樣。(漢宮春) 京兆才人。字文生彥。徙住巫陽。別兄隨親之任。前赴湘鄉。上
元佳節。黃陵廟謎合韋娘。沈醉後官舟誤入。發怒遂沈江。○後遇官軍撈獲。受許
多磨折。獄底淒涼。幸喜哥哥賜姓。出按荆湘。不知情開釋。變名姓金榜輝煌。招贅
日洞房花燭。兒子作新郎。今日搬演的不是別的。(內)是誰。(副末)是那。

巫山縣字狀元苦做平章婿

黃陵廟韋小姐喬扮文魔士

一帆風老稍水兌換夜行船

十錯認薛濤箋巧合春燈謎

第二齣 赴湘

(滿庭芳)(生)京兆風流。巫陽家世。十二峯青盈。凡點點梅風。小舍春如此。且展綵袖屠蘇。翠癡畔。瘦樽輕洗。消受處。荊花相笑。無過蘸鹽美。
(集唐)十二山晴花盡開。九成初日照蓬萊。開冰池內魚新躍。巴蜀雪消春水來。
小生宇文彥。原係貞觀年間中書令宇文士及之後。因天寶喪亂。避地西蜀。遂住巫山。爹爹行簡。屢上公車。母親蕭氏。勤操中饋。小生與哥哥宇文義。齊名鬢序。相守芸窗。凌雲自許。何難駟馬題橋。種玉無緣。未遂文鴛合。這也不在話下。只是

爹爹謁選湘鄉學博，早晚間攜母親與我赴任，留哥哥一人在家溫習經史，便赴本省鄉舉，這乃功名好事，只是我兄弟相依有年，一旦分張，實難割捨，今乃新春三月，小具盤觴，一則爲爹爹共祝眉壽，二者與哥哥暢叙離情，正是瀟湘未漲蛟龍雨，巫峽先分鴻雁風，道猶未了，哥哥早上。

(菊花新) (小生) 青青草色轉芳池，燕子坡前燕好歸，目送白雲飛，一點君山無際。(生) 哥哥拜揖。(小生) 兄弟少禮。(生) 哥哥爹爹上任，已揀下日期，今日置一杯淡酒，以介春觴，兼與哥哥話別。(小生) 我意正欲如此，且請爹爹出來，爹爹有請。

(前腔) (末) 婆婆老桂拘寒枝，羞對東風蕙草時。(老旦) 蓬轉又天涯。男大婚於何日。(集唐) 郎署何須笑二毛，青雲北望紫微遙。(老旦) 人生莫遣

頭如雪、縱得春風也不消。(末)夫人、我廿年辛苦、小就一官、雖然頭角崢嶸、依舊家風淡薄、辛喜兩箇孩兒、姿才並秀、進步可期、將來定替我爭下這口不服老的窮氣、如今大的兒子、學業已成、留在家中應舉、第二箇年齒還幼、帶他之任課習、我兩箇衙中也免孤單、昨日已會問縣中借下官船、你可收拾隨身行李、擇日起程便了。(老旦)行李就是你常年會試的這幾本破書、幾件舊衣服、與我的鍼綫箱、算來不勾一扛、那消得收拾、只是我有無限心事、兩箇孩兒、你可取酒過來、待我慢慢與相公商量則箇。(生小生奉酒介)

(榴花泣)(末)半生燈火出落的鬢如絲、空踏扎氈羈柝、望九嶷如黛、列修眉、我一官小謁、如鳥向洞庭飛、青雲肯頹、想長沙古來輪派著才人地、大孩兒你可掩吾廬回樂箏瓢、小孩兒你便待宮牆鯉也庭園、老

且相公我隨你半生辛苦，這也是做婦道的當然。如今你這官的滋味，也與做秀才爭差不多。我也不圖甚麼受用，但我年過半百，趁你在家中尋頭門當戶對的親事，早娶一房媳婦進門，家下這些瑣碎的勾當，也替得我照管一半。如今二子俱未說親，你又一官遠涉，此事却不越發擔誤下來，教我如何放得心下。

(前腔) 屢屢相守案齊眉。寒官依舊烹雞。但雙雛未遂鳳子飛，使我白頭井白。獨自箇費撐持。(末) 夫人，婚姻大事，自有天緣，何必挂心。儻若兩個孩兒，有些好處，難道就沒有高門大戶來扳附的，不成。這絲蘿有時，怎便把赤繩條縛住了扶搖翅。且待曲江宴先飲頭紅，何愁玉鏡臺不香合雙卮。(小生) 爹爹母親，婚姻事小，就是功名也有天數，只是孩兒自小不會離却膝下兄弟兩人，從來形影相隨，一旦分張，如何排遣。(同作愁介)

(漁家傲)念鯉庭聞禮聞詩。况烏慈勤斯閱斯。弟和兄鴻雁聯翩。怎禁受斷行分序。天低三聲猿晝。保一家兒穩坐洞庭春水。這家私有殘書破題。錦前程無非是蠹魚而已。(生)哥哥爹媽晨昏侍奉。兄弟自能上心。只願哥哥秋榜奪取高魁。報到衙齋。添多少氣象。顯親揚名。此便是大孝。

(前腔)奉椿萱遙遙絳帷。隔棠棣翩翩露枝。眼前路春草瀟湘。夢還繞鏡窗衾被。盼省闈金泥書喜飛。早送甜頭兒到荒齋苦李。(老蒼頭承應上)(詩)春水船如天上坐。老年花向霧中看。稟老爺。問縣裏討下官船了。船頭在外廂說。此去湘鄉路途遙遠。求賞些盤纏。便問何日起程。開船要禮生猪羊祭江。須先備辦。(末)賞犒我到船上給與他便了。我到瀟湘。那上任謁廟禮生。不愁沒人差派。此處都是鄉里。請他未免費打發。這也可省。要用猪羊。夫人家中可辦。

下麼（老旦）那任上祭丁的肉，我每還未曾討得嘗，倒先折本不成，這也告免罷。
（末）也罷也罷，我此官清苦，江神料應鑒知，只須燒些香紙，設了，初七是黃道吉日，分付就要開船。（末）訊程期人日便吉時。祭江風就是瓣香可矣。（二子拜別介）

（尾聲）帆檣已在江干繫。難道苜蓿他鄉信美。你看落日孤城重所思。

集 辟書初遣脫荷衣 有日前驅負弩歸

唐 日暮酒醒人已遠 洞庭何處雁南飛

第三齣 宴擢

（夜遊朝）（外）城南居近五雲天。移魁象作鎮西川。楊柳翻弓，桃花飲馬。春較長安不遠。（集唐）建牙吹角不聞喧，劍閣重關蜀北門。能以功成疏寵

位、願將楨幹捧吾君、下官西川節度使、韋初平是也、代有家聲、早膺宸眷、近天盈尺、五雲花接龍樓、重地建牙、一路風清鳥道、且喜鎮蜀以來、諸藩警服、四境奠安、賴有文武官僚、同心共事、真是君恩如海、芻蕘難報春暉、但只鄉思看雲、松菊遠關秋夢、況且荆妻久背、雙女何依、牧犢興歌、乘鸞無客、因此宦興、頓覺蕭條、你看歲月驅人、光陰如夢、不覺又是新年人日了、舊規衙門設有春宴、會集羣僚、不知各官曾到齊否、(開門介)(刺史上)(集唐)鶯囀皇洲春色闌、萬年甘露水晶盤、(牙將上)邊將皆承恩主澤、不教胡馬度陰山、(刺)下官成都府刺史是也、(牙)下官西川路牙將是也、今日節度府春宴、只得在此祇候、(進跪見介)(又同執手本跪送介)呈送蜀畿方撈春錦十端、金絲點翠綵燕二十枝、春餅辛菜各樣十盒、花市各色蟠梅四十本、原是常年舊規、該備辦的、請老大人收下、(外)生受了、

(衆坐介)(外)你看皇輿開泰、春氣颺和、玉壘雲晴、錦江波暖、諸君際此昇平、此酒莫辭懽暢、(衆)衆官託賴皇恩遐被、又荷制府親臨、因此指授有方、遂得隨分自効、年來賓人獻布、蕃族賣刀、盜息民安、皆是明公威德所致、真是初年近貼宜春勝、長命先添獻壽杯、願明公五福、如此三川、(外)願袞袞諸君、亦復同此、(遞酒介)

(梁州序)(外)井絡天開、瞿塘地轉、梅柳江山初展、錦城絲管、春來一倍喧駢、你看珠簾繡戶、野店山扉、都貼著綵勝雙飛燕、想聖人行樂處、奏虞絃、吐七葉仙萸、傍御筵、(合)承恩澤、開佳宴、聽簷牙鳥雀歡聲、串花似海、酒如澗、

(前腔)(衆)辛盤香嫩、椒圖風軟、白晝門旗高閃、星河三峽、春防七馬

蕭閒。且喜烏棲碣帳。犬臥花門。苜蓿千烽偃。雪山高聳處掛晴蓮。好准
備摩崖片石懸。(合前)(衆官)公宴已畢，各官稟謝。(外)不勞了。(送介)(回後
堂各役俱下)(老院公請二女並老奶子侍女春櫻上)

(東風第一枝)(旦)裙草微鋪。眉峯初倩。兒女春心一綫。(小旦)生長
珠圍華屋。所事諸般腴腆。鉤簾小立。輕寒撩半臂紅綿。(合)且手摘梅
花榨酒。休辜人日天年。(憶秦娥)(旦)風光好。小苑貼宜春。裙帶當先偷草色。
弓鞋生怕踏蘭心。鳥語也惺惺。(小旦)惜惺惺。柳色與鶯聲。柳色裝成眉黛意。鶯
聲喚起綠窗人。無語自含情。(旦)奴家姓韋。小字影娘。親妹一人。雙名惜惜。自從
母親不幸。隨侍爹爹任所。今朝人日。妹子。我與你須同到堂前。與爹爹萬福。則個
(小旦)理會得。(旦萬福介)(外)兩個孩兒。你萱花雖背。蕙性都溫。只我豚犬無

徵兼你鸞鳳未卜，頓使宦情落拓，春思闌珊，暮景愁懷，如何消遣？（一日）爹爹久建勳勞，廣施恩澤，五男百歲，定自可期，孩兒們願永侍椿庭，不求梅標，今日外廂呈送春盤餅菜，衙中釀下的有梅花酒在此，良辰美景，望爹爹暢飲幾杯。（二女遞酒介）

（梁州序）（二旦）剪春羅颯颯相憐，簇香盤盈盈輕點，祝靈椿眉壽，度索三千，自愧幫鶯睨，並燕喃呢，湊不上斑斕演。（外）孩兒每古來賢達女子，不但針工獨擅，兼日文墨旁通，那讀過的女孝經毛詩，也要時常溫誦，就楷書也要用心學習，知書識字，日後也好做人家，你繡窗拈弄歇，好簡點淑娥篇，小蘸嬌紅蜀粉箋。（合）簷馬噤，東風善，青油幕，深酌郵筒箋，休辜負莫闌倦。